

'U CASTEDHU I SANGIÓRGI

Castedhu di Sangiòrgi 'mpericatu
di la muntagna supa a la cimèdha,
'na vota ti vidìa , mò si ammucciàtu
di l'àrburi, chiantàti a ccurunèdha...

Guardavi tu , castèdhu sdarrupàtu
lu turchiu se arrivava a la marina ?
e, quando la campana avìa sonàtu,
mentivi a lu portuni la catìna ?

li fimmani chi vannu a la muntagna
li fraschi fannu e lligna a mazzottèdha,
no nc'eni cchiù lu turchiu mu li spagna,
l'allarmi cchiù no ddà la campanèdha....

Lu merlu nc'è chi ancora va frischiandu
'mmenzu a li mura ,supa a la bruvèra ...
E la scèfrata nc'è chi vva sattàndu
Quando lu sulì coci la scogghièra...

Mma no nc'è cchiù , volàu comu 'nu 'ncantu,
la hjòcca d'oru cu li soi pudhìa,
chi, 'ntra li mura , cumparìa ogni ttantu
quand'era cotrarèdhu e nci cridìa ! ...

Francesco Laruffa

www.associazionelaruffa.org